

Na osnovu člana 26. Statuta Radio-novinske i izdavačke ustanove „Radio Brčko“ Brčko distrikt Bosne i Hercegovine („Službeni glasnik Brčko distrikta Bosne i Hercegovine“, Upravni odbor Radio-novinske i izdavačke ustanove „Radio Brčko“ Brčko distrikt Bosne i Hercegovine na 8. vanrednoj sjednici održanoj dana 29.12.2021.godine, d o n o s i:

PRAVILNIK

o uslovima korištenja službenog vozila

Član 1.

Ovim se Pravilnikom uređuju prava, obaveze i uslovi korištenja službenog vozila u Radio-novinskoj i izdavačkoj ustanovi „Radio Brčko“ Brčko distrikt BiH (u daljem tekstu: RNU „Radio Brčko“) dodijeljenog na revers od strane Vlade Brčko distrikta BiH ili drugih institucija Brčko distrikta BiH.

Član 2.

Službeno vozilo za službene potrebe mogu koristiti svi zaposlenici RNU „Radio Brčko“, po pismenom odobrenju Direktora i odgovornih urednika Informativno-političkog i Kulturno-zabavnog programa (u daljem tekstu: urednika IPP-a i KZP-a), na osnovu uredno ispunjenog putnog naloga.

Član 3.

Pod službenim potrebama u smislu ovog Pravilnika podrazumijeva se obavljanje poslova i zadataka koji spadaju u djelokrug rada RNU „Radio Brčko“ a posebno:

- za obavljanje poslova marketing službe
- za obavljanje poslova novinara na terenu
- za obavljanje poslova tehničke podrške
- za obavljanje drugih poslova po ovlaštenju Direktora i odgovornih urednika IPP-a i KZP-a

Član 4.

Svaki korisnik vozila u obavezi je pridržavati se odredaba Zakona o bezbjednosti saobraćaja BiH, ovog Pravilnika, te je obavezan voditi brigu o vozilu i odgovoran je za vozilo.

Član 5.

Prilikom preuzimanja vozila korisnik preuzima potrebnu dokumentaciju vozila i dužan je izvršiti vizuelni pregled vozila, te informisati nadređenog ukoliko uoči štete na vozilu. Korisnik je dužan popuniti Obrazac 1. koji je sastavni dio ovog Pravilnika.

Član 6.

Brigu o redovnom održavanju, preuzimanju ključeva i vođenje evidencije o korištenju službenog automobila vodi osoba koju za to ovlasti Direktor RNU „Radio Brčko“.

Član 7.

Za vrijeme korištenja službenog vozila korisnik je dužan voditi evidenciju o korištenju i pređenim kilometrima radi evidentiranja na putnom nalogu.

Putni nalog svakog prvog u mjesecu otvara nadležna osoba iz institucije Brčko distrikta BiH u čijem je vlasništvu vozilo a popunjen putni nalog za prethodni mjesec se dostavlja istoj osobi.

Član 8.

Novčane kazne za prekršaj u prometu izrečene od strane nadležnih organa snosi korisnik službenog vozila u trenutku počinjenja prekršaja.

Član 9.

Ako tokom korištenja službenog vozila dođe do kvara ili oštećenja vozila, korisnik je dužan bez odgađanja o tome obavijestiti osobu zaduženu za evidenciju korištenja službenog vozila koja će preduzeti akcije da o tome informiše Direktora RNU „Radio Brčko“.

Direktor RNU „Radio Brčko“ će u što kraćem roku o kvaru ili oštećenju vozila informisati nadležnu osobu iz institucije Brčko distrikta BiH u čijem je vlasništvu vozilo.

Ako tokom korištenja službenog vozila dođe do saobraćajne nezgode korisnik je dužan pozvati Policiju Brčko distrikta BiH. U slučaju nezgode procijenit će se pojedinačna odgovornost osobe koja je prouzrokovala nezgodu, kvar ili oštećenje vozila u skladu sa nalazima Policije Brčko distrikta BiH.

Ukoliko šteta nije nastala ponašanjem ili grubim nemarom korisnika, a osiguranje otkloni mogućnost isplate naknade za nastalu štetu na službenom vozilu i/ili trećim vozilima, nastalu štetu će snositi RNU „Radio Brčko“ u dogovoru sa Pododjeljenjem za socijalnu zaštitu

Član 10.

Po završetku korištenja službenog vozila korisnik je dužan:

- službeno vozilo propisno parkirati
- uredno predati ključeve ovlaštenoj osobi odmah po završetku korištenja, odnosno ako su u pitanju večernji sati, sljedeći radni dan početkom radnog vremena.

Član 11.

Odgovornost korisnika za službeno vozilo traje do potpunog ispunjenja obaveza iz člana 10.

Član 12.

Stupanjem na snagu ovog Pravilnika stavlja se van snage Pravilnik o korištenju službenog vozila JP „Radio Brčko“ d.o.o. Brčko distrikt BiH broj: 01-246/20 od 29.10.2020. godine

Član 13.

Ovaj Pravilnik stupa na snagu osmog dana po objavljivanju na oglasnoj tabli Ustanove.

Broj: 01-509/21

Brčko, 30.12.2021. godine



Predsjednik Upravnog odbora

Rijad Beganović, dipl.vet.

EVIDENCIJA O KORIŠTENJU VOZILA I NAČINU PREUZIMANJA SLUŽBENOG VOZILA

Registarska oznaka vozila:

Datum korištenja vozila	Stanje vozila	Potpis korisnika	Datum vraćanja vozila	Stanje vozila	Potpis ovlaštenog lica	Napomena